

赤字は調声人 黒字は同音

讚佛偈

鑿二声〇〇

●光顏巍巍

同音

威神無極 如是焰明 無与等者 日月摩尼 珠光焰耀 皆悉隱蔽 猶若聚墨 如来容顏 超世無倫 正覺大音 響流十方 戒聞精進

三昧智慧 威德無侶 殊勝希有 深諦善念 諸仏法海 窮深尽奥 究其涯底 無明欲怒 世尊永無 人雄師子 神徳無量 功勲廣大 智慧深妙 光明威相 震動大千 願我作佛 齊聖法王

過度生死 靡不解脫 布施調意 戒忍精進 如是三昧 智慧爲上 吾誓得佛 普行此願 一切恐懼 爲作大安 假使有佛 百千億萬 無量大聖 数如恒沙 供養一切 斯等諸佛 不如求道

堅正不却 譬如恒沙 諸佛世界 復不可計 無数刹土 光明悉照 遍此諸國 如是精進 威神難量 令我作佛 國土第一 其衆奇妙 道場超絶 國如泥洹 而無等雙 我當愍哀 度脱一切

十方來生 心悅清淨 已到我國 快樂安隱 幸佛信明 是我眞證 發願於彼 力精所欲 十方世尊 智慧無礙 常令此尊 知我心行 假令身止 諸苦毒中 我行精進 忍終不悔

次第にゆつくり

●南無阿彌陀佛

同音

南無阿彌陀佛 南無阿彌陀佛 南無阿彌陀佛 南無阿彌陀佛 南無阿彌陀佛 南無阿彌陀佛

●願以此功德

同音

平等施一切 同發菩提心 往生安樂國